

# Helo helo kampus

# Kampus

kampus@utusan.com.my



SEBAHAGIAN daripada kanak-kanak yang menyertai pertandingan mewarna kempen hijau 3R.

## UMP jayakan kempen hijau

Usaha meningkatkan kesedaran terhadap penghijauan alam sekitar di universiti

UTUSAN MALAYSIA (HELLO KAMPUS) 4 JAN 2016 M/S-19

**M**AJLIS Pelancaran Program Pengurusan Sisa Pepejal dan Kempen 3R Universiti Malaysia Pahang (UMP) baru-baru ini merupakan satu usaha universiti ke arah menjayakan inisiatif penghijauan kampus UMP.

Majlis dirasmikan oleh Timbalan Naib Canselor Penyelidikan & Inovasi, Prof. Dr. Mashitah Mohd Yusoff.

Hadir sama, Yang Dipertua Majlis Daerah Pekan, Datuk Ahmad Salhi Abdul Latif, Pemangku Pendaftar, Abd Rahman Safie, Ketua Pustakawan, Roslan Che Pee, Ketua Timbalan Pendaftar Jabatan Penyelidikan dan Inovasi, Datin Fazia Ali dan Pengarah Bahagian Pengurusan Kualiti & Penarafan, Kartina Johan.

Menurut Mashitah, kadar kitar semula nasional hari ini hanya berada di tahap 10.5 peratus sahaja daripada jumlah bahan buangan yang dilupuskan, berbanding negara maju yang melebihi 40 peratus.

"Oleh kerana jumlah bahan yang dibuang ke tapak pelupusan setiap tahun pula dianggarkan sebanyak 2.3 juta tan dengan nilai mencecah RM900 juta, ekoran itu meningkatkan kadar kitar semula akan membawa manfaat besar daripada segi penggunaan semula sumber dan peningkatan ekonomi negara," katanya.

Katanya, usaha yang dijalankan pihak jawatankuasa pelaksana Majlis Pelancaran Program Pengurusan Sisa Pepejal (PSP) dan Kempen 3R atas penganjuran program melibatkan kerjasama pihak SWCorp dan Majlis Perbandaran Kuantan (MPK) yang mengambil bahagian dalam sesi perkongsian ilmu bersama warga UMP baru-baru ini.

Ujarnya lagi, bermula dari 2010

**DR. MASHITAH MOHD. YUSOFF (tengah)** dalam majlis pelancaran Program Pengurusan Sisa Pepejal dan Kempen 3R di UMP Pekan, Pahang baru-baru ini.



**DR. MASHITAH MOHD. YUSOFF (tengah)** diberi penerangan penggunaan sisa kumbahan sebagai baja kepada tumbuhan landskap di UMP Pahang, baru-baru ini.

hingga 2014, sebanyak 1.2 juta kg barangan kitar semula telah berjaya dikumpulkan dan hasil jualan barangan kitar semula ini berjumlah RM335,000. Ianya mencerminkan pendapatan boleh



dijana melalui amalan kitar semula berkonsepkan "Waste to Wealth".

"Program PSP dan 3R bukan sahaja selari dengan konsep penghijauan kampus tetapi juga mampu menjana pendapatan. Malahan pada tahun ini juga, UMP telah menyertai 'UI Green Metric' iaitu salah satu daripada penarafan dunia (World Ranking) yang diiktiraf oleh Kementerian Pendidikan Malaysia," katanya.

Katanya, terdapat tujuh kluster yang menyokong inisiatif dalam program penghijauan kampus yang menyokong pemerolehan data untuk penarafan 'UI Green Metric'.

Salah satu adalah kluster Waste (WS) di bawah tanggungjawab Pejabat Pengurusan Keselamatan dan Kesihatan Pekerjaan (OSH) UMP yang juga merupakan teraju utama Majlis Pelancaran Program Pengurusan Sisa Pepejal dan Kempen 3R.

"UMP turut menjalankan program-program seperti Program 3R peringkat UMP, Sisa Buangan Terjadual, Zero Polystyrene dan Projek penggunaan semula sisa kumbahan sebagai baja kepada tumbuhan landskap yang dijadualkan bermula pada Januari 2016 di kampus melibatkan kawasan antara Blok

W dan Fakulti Kejuruteraan Awam dan Sumber Alam (FKASA)," katanya.

Tambahnya lagi, pihak pengurusan UMP berharap agar warga UMP bersikap kreatif dan inovatif dalam menjayakan amalan 3R dan PSP ini kerana selain memastikan kehijauan kampus, pendapatan boleh dijana melalui amalan kitar semula berkonsepkan "Waste to Wealth".

Pada masa yang sama turut disampaikan hadiah kepada pemenang pertandingan. Bagi Pertandingan Poster Kempen 3R, tempat pertama dimenangi oleh Shahrul Mohamed Salleh dari Jabatan Hal Ehwal Akademik & Antarabangsa, tempat kedua dimenangi oleh Noor Azhar Abd. Rasid dari Pejabat Naib Canselor dan di tempat ketiga dimenangi Nur Sufiah Jamaludin dari Fakulti Kejuruteraan Mekanikal.

Manakala Pertandingan Candid Contest Instagram tempat pertama dimenangi oleh Muhammad Syarif Al Azim, manakala tempat kedua dan ketiga dimenangi oleh Muhamad Amirul Zikri Musa dan Mohamed Marzuki Abdul Latif. Turut berlangsung pertandingan mewarna bersama anak-anak dalam menerapkan amalan 3R.